





葉文莊公西垣奏草卷五

吏部左侍郎謚文莊崑山葉盛存藁

孫衡州府同知 夢淇較定

六世孫禮部主事 重華彙梓

題爲糾劾事嘗謂官資貴顯乃法禁之所先罪惡  
貫盈實刑章之不宥切照中軍都督府右都督  
楊俊器非重厚德本凶邪素乏鷹揚之名幸際  
龍飛之運高爵連封于父子世官旁及于弟兄  
恩寵莫倫光榮罕比乃楊俊不思補報敢爾怙  
終暴橫冥頑而權豪以自居強梁跋扈而法度



之罔顧貪財好名靡所不爲害軍毒民何所不  
至自用大棍則指揮單禎等之被辱無辜懷挾  
私讐則都指揮陶忠之死非其罪舞弊弄智矜  
已驕人交結威權而拜奸臣王振爲親父蔑視  
同列而待朱謙紀廣如嬰兒心已同于鷓鴣行  
不異于豺狗致被陶忠妻男奏告發露隨經各  
該軍伴結證詳明况有交通奸惡之情以及結  
交胡虜之意總督等官旣交章而陳奏巡撫等  
官復體勘以相同似此不道不忠論法豈宜容  
恕再照楊俊先守獨石等處其惡不可勝言牛  
馬成群莊田彌望私役軍士知幾百千招取金  
銀動以萬計下人之膏血竭盡邊方之備禦何  
存一旦逆賊犯邊輒棄十一城堡倉廩蓄積委  
之而逃軍民家資乘機肆掠以至喪師失律辱  
國陷君求厥愆尤殺戮非過後蒙

皇上念其因人成事之微勞加以都督叅將之重任  
乃復擅自調美永寧軍馬又令砌塞邊境城池  
欺天欺人有非一日作威作福何止一端給事  
中金達劾之于前奉御黃整言之于後俱蒙  
皇上宏天地之大德廣山海之包容今猶不務改悛



以贖前罪仍復驕縱打死將臣跡其所爲死有餘罪昨因伊父楊洪陳其過惡 欽取到京 臣等切聞怙終賊刑著之舜典除惡務本載之周書况刑罰之行勸懲所係恩威之下予奪斯嚴威必加于小人然後可以愜公論罰必先于權貴然后足以服人心今楊俊受恩孤恩得寵怙寵貴顯已極罪惡彌深此而不誅何以示戒合將楊俊拿送法司明正典刑以爲人臣稔惡不俊之戒謹具奏

景泰元年五月初二日

題爲用人事先該巡撫大同宣府副都御史羅亨信等薦送到山西汝水縣民人霍寅并本人所著八陣圖說隨具本差人伴送正統十四年九月十五日該通政司奏奉

聖旨該部同武清伯考試來說欽此經今月餘未見定奪臣等訪之輿論霍寅謀識優長才堪御衆且其所陳戰車之說實有可行盛名之下恐無虛士臣切惟今日多事之際 朝廷累降

詔旨招徠異才未見其人有如霍寅倘蒙采錄則海內豪傑之士抱負忠義卓有才能其過于寅者



豈有不至者乎乞 勅兵部會官將霍寅公同  
審驗如果可用伏乞

聖斷授以職事或令于緊急去處叅贊謀議或令統  
軍禦賊責其成功庶可無遺才之嘆且有以來  
天下之賢謹題

景泰元年五月初八日

題爲陳言事該兵部掌部事少保兼本部尚書  
于謙等題前事禮科抄出山西道監察御史胡  
端題一件委良將以肅軍令蓋將必得人而貴  
乎嚴兵不在冗而貴乎精臣觀巡撫山西右副

都御史朱鑑所奏兵貴練而不貴多戰貴速而  
不貴久若軍令不嚴練習無法雖稱百萬何益  
之有凡之守城不過食糧互相欺詐而已用之  
禦寇不過追走自相蹂殺而已訪得大同見有  
都指揮二十餘員俱在一城守備乞

勅文武大臣從長計議將沿邊渾朔等州山縣各委  
都指揮一員統領馬步官軍民壯一千或二千  
就彼操備各守地方其敢勇當先斬首生擒者  
就行照例陞賞調征臨陣先退者許令便宜殺  
罰以警軍心以肅兵威此言誠有可取伏望



豈有不至者乎乞 勅兵部會官將霍寅公同  
審驗如果可用伏乞

聖斷授以職事或令于緊急去處叅贊謀議或令統  
軍禦賊責其成功庶可無遺才之嘆且有以來  
天下之賢謹題

景泰元年五月初八日

題爲陳言事該兵部掌部事少保兼本部尚書  
于謙等題前事禮科抄出山西道監察御史胡  
端題一件委良將以肅軍令蓋將必得人而貴  
乎嚴兵不在冗而貴乎精臣觀巡撫山西右副

都御史朱鑑所奏兵貴練而不貴多戰貴速而  
不貴久若軍令不嚴練習無法雖稱百萬何益  
之有用之守城不過食糧互相欺詐而已用之  
禦寇不過追走自相蹂殺而已訪得大同見有  
都指揮二十餘員俱在一城守備乞

勅文武大臣從長計議將沿邊渾朔等州山縣各委  
都指揮一員統領馬步官軍民壯一千或二千  
就彼操備各守地方其敢勇當先斬首生擒者  
就行照例陞賞調征臨陣先退者許令便宜殺  
罰以警軍心以肅兵威此言誠有可取伏望



西地奏草 卷五 四  
皇上俯納其言舉而行之本官奏奉

聖旨該衙門看欽此欽遵查得先該朱鑑題前因本部爲照刑罰者 朝廷之典威福者

天子之柄若各州縣守備都指揮俱各自專刑罰則是威福恣肆權移于下誠恐賞不及于有功刑不加于有罪徒沮士氣反致壞事合行大同總鎮叅將等官定襄伯郭登等如遇率領官軍人等勦殺賊寇將有功之人逐一明白具奏照例陞賞其臨陣退縮在逃者就于軍前照例軍法處治若不係臨陣之時不許擅作威福務俾賞

罰兩得其中士氣不致撓沮本部官奏奉

聖旨是欽此欽遵通行去後今御史胡端又奏朱鑑所言可取要乞便宜陞賞殺罰雖爲有理然臣等切詳太阿之柄不可倒持賞罰之令不可下移夫刑罰出于 朝廷者處其常勸懲出于主

將者用其權朱鑑所言欲使各州縣守備都指揮俱專生殺而不止于大將則是威福下移而啟擅專之端事勢不一而生覬覦之患況今天下多事之時正當明君臣之大義嚴賞罰之號令豈可使威福皆不出于 朝廷哉揆之事体



尤爲不可况本部已有前項奉奏 欽依事理  
難以准行至于

命大將統大軍出征之時賞罰之權固不可以不重  
亦要臨時具奏請

勅施行本部官于奉天門奏奉

聖旨生殺予奪出于朝廷將士臨陣賞罰一時權宜  
無事之時不許擅專今御史胡端奏要陞賞殺罰  
與人自專其言未當還着六科看了來說欽此欽  
遵臣等切惟爵賞刑罰乃天子之大權生殺予  
奪非臣下所敢預今御史胡端智不逮此止知

賞罰足以收人心號令可以一衆志所奏陞賞  
殺罰假之將臣一節誠爲學識寡陋詞語迂疎  
志雖在于進言事未合乎至理所據胡端合當  
問罪謹題

景泰元年五月二十九日

題爲糾劾事該都御史陳鑑等將推問司禮監太  
監金英家人李慶等奸惡情繇議擬具題節該  
奉

聖旨這本還着六科叅詳明白來說欽此欽遵臣等  
切照太監金英處權豪勢要之地當惡稔罪盈



之時事雖發于家人咎必歸于元惡舊章斯在  
顯戮難逃及照左都御史陳鎰土文縱惡長奸  
畏權避勢置元惡而不問承

君命而不忠厥罪惟均實難容恕并該河南道監察  
御史及首領官宋璽張愚等俱合拿問以彰至  
公臣等欲于景泰元年六月十五日早大班該  
奏謹題

景泰元年六月十四日  
題為懷奸方命等事先該巡撫大同宣府左副都  
御史羅亨信具奏年老不能整理邊務糧儲蒙

將監察御史任寧特陞右僉都御史賚

勅代替巡撫去後續該兵部奏准請

勅任寧就行叅贊武清侯石亨巡邊軍務事畢石亨

回京之日任寧仍依勅巡撫大同宣府又該

戶部奏准任寧陞官領勅專為代替羅亨

信巡撫今石亨奏要同伊回京一節合令遵依

前勅就彼巡撫整理邊儲豈任寧不遵原奉

勅書及節次奏准事理止憑照會徑自隨同石亨

回京乃敢自稱大同等處實難巡撫依文回京

候胡寇寧息之日仍依前勅巡撫等項詞語



題知

皇上既已洞見其懷奸不忍加之以重罪景泰元年五月二十一日奉

聖旨便着他去欽此欽遵經今一月其任寧公然逗遛不行前去臣等切惟任寧本以黜才驟膺重任正當憂兢夙夜圖報國恩何期大肆奸欺敢方君命石亨之照會假托奉行 朝廷之 勅旨公然背逆勤勞罔効叅贊無功石亨具奏要同回京夤緣之情已著自稱大同實難巡撫專擅之跡難容必待寧息之方行意存跋扈有事

邊方而不進律合避難不令其回而自回既速之去而不去懷奸挾詐罔上欺天是致衰邁老臣徒懸更代之望邊儲急務久缺綜理之人况今三邊多故之秋正庶官用命之日方命若此何以使人此而不誅何以示警合將任寧拿送法司明正其罪以爲人臣懷奸方命之戒另選忠實剛果大臣一員巡撫宣大誠爲允當臣等欲于景泰元年六月二十一日早大班劾奏謹具題

知



景泰元年六月二十日

題奏爲懷奸方命等事嘗謂懷奸不忠者人臣之大惡方命不恭者國典之嚴條罪惡旣明章條必正切照都察院右僉都御史任寧拘拘小器碌碌非才驟擢都憲之美官謬當巡撫之重寄所宜憂兢夙夜圖報國恩何期大肆奸欺敢方君命曩因都御史羅亨信之年老命任寧以巡撫邊方後因武清侯石亨之巡邊命任寧以參贊軍務巡撫乃其職守參贊出于權宜

勅書旣已昭彰臣子自當遵守乃任寧因見大同警急輒便自要回京朝廷之勅書故行背逆總兵之照會假托奉行石亨爲之上言夤緣可見戶部參詳不允詔書已行乃敢倔强還朝况且支吾具奏自稱大同實難巡撫待後寧息方可啟程似此狂妄益見擅專

皇上日月明照雖洞見其懷奸天地仁慈復不忍于加罪促之前去冀益前愆任寧不此之思又復孤恩怙寵公然朝謁全無一事可爲故爾逗遛延今彌月之久跡其罪惡今已貫盈凡在臣僚孰不疑駭臣等切詳任寧懷奸挾詐罔上欺天



不令其回而自回既速之去又不去跋扈不道  
既已如斯叅贊無功又何足責是致邊儲缺綜  
理之人老臣切更代之望妨賢悞事罪不容誅  
况今三邊多事之秋正庶官用命之日方命若  
此何以使人此時不誅何以示戒合將任寧拿  
送法司明正其罪仍乞另選忠實剛果大臣一  
員巡撫大同宣府庶使臣僚有警邊境無虞謹  
具奏聞

景泰元年六月二十一日

題爲操備緊要事訪得在京軍職官員多有弟男

子孫空閑在家者其中有素習弓馬志于殺賊  
而不得操練者亦有懶惰好閑甘于遊蕩者一  
家多或五七人少者亦不下四三人括而盡之  
可得萬數臣等切詳官舍出自將家多係應襲  
之數操練乃其本等况今聲息緊急京師守備  
爲重緊關用人似此官舍縱不能爲隨軍赴敵  
之資亦可爲上城守備之用較之去年急用民  
夫人匠實爲遠勝乞勅該部通行在京各府  
衛所各將軍職官員之家弟男子任年二十歲  
以上不係殘疾之人或甥婿等項及年未及二



西垣奏草 卷五  
十歲情願操練者各各從實開報并行五城兵馬司排門挨究不許隱漏捏故作弊事發一體治罪挨報至日陸續送赴總督軍務少保兵部尚書于謙總兵官武清侯石亨處點選除軟弱不堪外其餘分撥隊伍另作一營隨軍操練遇警聽候守城把門調用于中有願隨軍殺賊者聽有功一體陞賞仍與計議每月量支口糧庶使貧窘者樂于効力其隨軍操練及關支口糧俱候寧息之日另行奏

請定奪則官舍不至閑曠警急不至乏人謹題

景泰元年六月二十五日

題爲明刑必罰等事該總兵官武清侯石亨等將爲事都督等官宮聚王喜張斌等開陳情犯乞量復職事等因具題奉

聖旨宮聚王喜張斌情犯深重論罪本饒不得如今用人之際且都饒他降做指揮僉事着在營操練遇警調用待有功時來說該衙門知道欽此欽遵照得宮聚等俱係 朝廷將臣叨受邊方委托孤恩負國罪惡貫盈或畏縮退怯而失悞軍機或貪淫酷暴而累干邦憲原情論罪死有餘辜



西垣奏草 卷五  
數內宮聚害軍殃民宿師玩寇括索金銀器皿  
動以百千失陷軍民人口不下萬數激變蠻夷  
而貴州幾至于失守拘收婦女而土官亦被其  
征求結怨西南流毒未已欽惟

皇上明斷雖曲宥斬罪仍降職令其立功王喜雖降  
所鎮撫尚被囚繫其宮聚刑部追贓完結明正  
典刑此誠至明大斷正法度以恪遵

祖訓示操縱以收繫人心端在是矣今石亨等妄奏  
前因熒惑

天聽臣等切詳貪滯酷暴罪猶止于一身激變失機

禍將見于天下將臣之罪至此已極此而可容  
尚何可罪使宮聚果稱驍勇尚無可用之理况  
其無謀無勇人所共知王驥累次奏詞昭然具  
在再照 國家多事固急于用人恩威所臨尤  
嚴于賞罰威不可以徒行必威行于一人而千  
萬人懼恩不可以濫加必恩加于一人而千萬  
人悅賞罰既明則人心無不服人無不服則號  
令必行事功易立醜虜不足平而治平之期可  
立致矣伏望

皇上始終此明始終此斷將宮聚等各照先次該衙



西地奏草 卷五  
門奏奉 欽依發落庶下有合乎公論上無累  
於

聖明及照石亨楊洪等素擁重名叨膺大寄未聞有  
保民衛國之奇計而乃有黨邪舉濁之私心歸  
怨于人歛恩于已數內張軌先與宮聚同事竟  
亦均無成功副使李睿等累次上言臣等各衙  
門亦嘗劾奏

聖恩寬大尚緩誅夷今又同流合污以類相聚輒敢  
朦朧會奏顯有朋比重情律以至公俱合拿問  
臣等至愚職居言路當四郊未寧將臣用命正

信賞必罰之時勸懲所關事非細故不敢緘默  
謹題

景泰元年七月二十日

題爲乞 恩事該錦衣衛指揮使劉源等題據署  
所鎮撫事總旗閻肅呈稱署事年久乞爲奏請  
受職等因題奉

聖旨與他實授所鎮撫兵部知道欽此欽遵查得先  
該錦衣衛署所鎮撫百戶所事總旗李忠閻肅  
等俱奏前因正統十一年三月二十八日該通  
政司官奏奉



太上皇帝聖旨不准再來打攪不饒還着科裏記着  
欽此欽遵今照閻肅明知前項

旨意不准受職却乃隱匿朦朧希求實授合當拿送  
法司問罪革職以警其餘緣有前項題奉

欽依事理伏望

聖裁及照指揮使劉源等不行明白查勘輒便信憑

閻肅呈文扶同具奏亦合拿問再照李忠閻肅  
等先前具奏通該四十名合無兵部查理奏

請定奪庶免聞風倣倣謹題

景泰元年七月初八日

題爲公議事景泰元年八月十二日早朝退後有

侯伯尚書都御史侍郎等官石亨王直胡濙等  
於午門前群立聚看揭帖一箇看畢有言是

朝廷大事當封進者有言不必封進者言畢散去

臣等切惟在朝言朝載諸禮經公事公言昭在  
史冊今各官所看揭帖旣稱係

朝廷大事所關又非告言人罪及已將入內府不  
當隱匿所據前項揭帖今當追出進呈臣等職

居言路豈容緘默謹題

景泰元年八月十二日



題爲禁約事照得長安左右門外東西朝房係是各衙門官員待漏候朝之所切近禁垣至爲嚴密四方萬國之人朝覲會同出入金門觀瞻所係近訪得有吏典人等將帶家小在內安下損壞牆壁者有縱容街市諸色人等在于廊房羅列買賣喧鬧作踐者甚至縱容無知小人彈詞課命妄談禍福全無忌憚者若不禁約非惟禮法有乖實爲觀瞻不便乞

勅錦衣衛督令兵馬司官嚴加禁約差人巡視如有仍襲舊弊作踐損壞及喧鬧溷瀆者拿送法司

究治庶幾公廨無損壞之虞門禁有肅清之日謹題

景泰元年八月十八日

題爲薦舉事臣等欽奉 令諭 詔書及節次

旨意申明薦舉將臣事除欽遵外照得先該鎮守寧夏總兵等官張叅都御史韓福都指揮熊震等連名奏保寧夏衛支俸管操署指揮使王勛在任三年蒞政公勤謀畧超異弓馬慣熟讀書明理善撫士卒堪以任用乞實授署職等因各題未蒙准理今臣等訪得王勛委有前項謀勇允



如各官所奏乞

勅兵部合無將王勛照例行取前來試驗擢用惟復  
量陞署職仍留在彼管事庶幾賢能有勸邊境

得人矣謹題

景泰元年八月

葉文莊公西垣奏草卷五

葉文莊公西垣奏草卷六

吏部左侍郎謚文莊崑山葉

盛存藁

孫衡州府同知

夢淇較定

六世孫禮部主事

重華彙梓

題為陳言科舉等事洪惟

皇上龍飛之初開科取士鄉試已畢會試在邇臣等

叨居言路今將合言事件開坐謹題

一件至公取士事節該欽奉

詔書科舉歲貢自景泰元年為始依永樂年間

例行不許更改欽此欽遵照得永樂年間以



來會試取士未嘗以名數拘亦未嘗以地方論迨至宣德年間始以湖廣江西浙江福建廣東南直隸蘇松常鎮淮揚等處爲南卷以山東山西河南陝西北直隸爲北卷又以四川廣西雲南貴州南直隸安慶鳳陽滁州和州廬州爲中卷正統年間始定額數或百名或五十名

皇上詔書特下首及取士誠遵守成憲進用賢才公天下盛心也士生斯世何其幸歟前件

勅該部一依永樂年間事例取士惟善是從不拘數目多寡不論地方南北如此則舊典得以遵行科目得以增重

一件儲養賢才事

聖朝

列聖相承一以儲才爲致治之本永樂宣德正統年間每遇進士登科必拔其資質聰敏年力少壯者入翰林院爲庶吉士俾之讀書學古大其已成之才以資任用

皇上臨御尤重儒術是以凡在寰中士夫莫不



感恩思奮前件乞

勅該部將明年進士照依永樂宣德間事例會  
官選拔不拘地方南北送翰林院爲庶吉士  
時加獎勵隆其禮遇仍命老成儒臣嚴切考  
較務底成效其進士年三十歲以上學問老  
成有志入選者聽其自陳亦許收錄如此則  
國家無乏才之慮治道有隆盛之美

一件進士資格事伏惟

太祖高皇帝欽定進士出身資格第一甲三名  
從六品正七品出身第二甲從七品出身第

三甲正八品出身其後欽除特選二甲三甲  
進士不拘品秩逕授要職者俱有成例近年  
在外知州同知並於監生內除授進士止於  
第三甲除知縣切知州同知知縣俱係親民  
守令要職必須慎選方可得人而民受其惠  
看得近年進士除知縣者其得人十常八九  
惟知州同知未聞以進士除授似有未當前  
件乞

勅該部今後進士除授除京官有缺照例補員  
外其在外員缺監生除授不敷將第二甲除



知州同知第三甲除知縣仍令所司候明年會試臨期奏請增廣解額多取進士以備擢用如此內外得以均重守令可以得人

一件隨材用人事 朝廷設國子監以教育天下英才爲監生者皆以賓興鄉薦而來作養既久或發身甲科或資次選用豪傑之士往往不乏近年以來大廷魁選多出國學育材之效昭然可見然其間資次入選監生必待在監近八九年方得分撥各衙門歷事滿日除授在京或給事中御史主事在外或府同

知知州等職所用甚不輕也訪得在監肄業及各衙門歷事聽選監生其間資次將到年月將及誠恐一時不利中在副榜所司又不准告俯就教職自負其材不敢入試者甚多查前項監生若令一槩授以教職不惟虛其坐監年月之久抑其抱負涵養之氣而亦未免有滄海遺珠之嘆前件乞

勅該部今後在監肄業及各衙門歷事聽選監生入試如中過副榜除願授職者聽其不願者許其自陳或仍舊在監肄業或仍舊歷事



聽選則任官得以不枉其才人材得以各遂其志

景泰元年八月二十七日

題爲軍政事查得洪熙元年正月十五日欽奉

詔書自洪武至永樂年間有充軍擺站等項後因舉保復起爲官或見任或在任病故或以理去官皆免其戶下子孫補役見任年七十之上筋力衰憊者亦許引年致仕開其軍伍欽此欽遵訪得前項人員或因子孫貧弱不能告理或因所司刁蹬不與除豁其子孫至今充軍不缺切詳此等官

員先雖爲事充軍後蒙舉保復用必其罪有可矜而才有可用也旣蒙錄用而子孫仍舊充軍補役實爲可憫又有先因爲事充軍後因改調歸併等項編發別衛其原衛未曾開豁仍復勾丁補役所司明知一戶兩處清勾因見事干軍伍不敢代爲分豁以致重復勾提徒勞無益况且文移不能杜絕官府被其攪擾深爲未便乞勅該部行移各處如有爲事官員後因舉保復用子孫仍前充軍者許赴巡按清軍御史處陳告行仰有司着令該管里老親隣人等明白體勘果



無虛冒申達兵部轉行該衛照依先奉

詔書事例卽與開豁免其子孫補役其兩衛勾補者

亦與體勘分豁則 朝廷有罰弗及嗣之仁

詔書有令出惟行之信謹題

景泰元年九月初八日

題爲軍務事景泰元年九月十五日奉通政司帖

文該兵部題前事節該奉

聖旨軍政之事時常清理方得人用人旣年久未曾  
整理如今在外見有御史等官在內各衛所亦差  
御史給事中一發清理務要原伍不缺餘丁數有

清切易爲調用欽此欽遵今將推選到給事中二  
員請

旨點差一員前去會同清理謹題

兵科給事中二員王鉉 錢澍

景泰元年九月十七日

題爲舉留官員事照得本科宣德年間有都給事  
中二員左右給事中二員今本科止有都給事  
中一員其餘俱缺查照本科掌科事給事中蔣  
性中守制起取見到本官簡靜端潔有爲有守  
歷任九年將滿練達老成堪以任用卽今用人



之際乞

勅吏部將本官量陞前職仍復本科辦事便益謹題

景泰元年九月十八日

題爲邊情等事切照鎮守甘肅右叅將都督毛忠

本以醜虜餘孽久沐

朝廷厚恩託之叅裨鎮守邊境乃毛忠不圖恪忠

以報國敢行交結乎奸兇曩者賊臣喜寧敗露

本官惧罪懷奸託詞自解

皇上曲宥其死仍官其子

天地大德無以復加今者毛忠又復怙恩肆惡陰構

外夷交通之跡旣形叛逆之情難掩神人共怒

天地不容今本犯擒拏見到欲於大班劾奏謹

題

景泰元年九月二十六日

奏爲邊情等事嘗謂爲臣盡忠而忠者乃其職分

人臣無將而將則必正典刑天地常經古今定

理切照鎮守甘肅右叅將都督毛忠本以醜虜

餘孽久沐

朝廷厚恩付之叅裨鎮守邊境父子之光榮已極

身家之富貴罕倫乃毛忠不圖恪忠以報酬輒



敢交結乎奸宄忘恩中國則喜寧之郇類可疑  
構禍外夷則也先之謀爲不軌臣等切詳毛忠  
等上孤大德自造深愆交通之跡旣形叛逆之  
情難掩神人共怒中外莫容所據毛忠等俱合  
拿送法司明正其罪以爲人臣陰謀不軌之戒  
謹具奏聞

景泰元年九月二十七日

題爲軍政事先該本科題前事訪得在京軍職官  
員弟男子姪空閑在家其中有素習弓馬志在  
殺賊而不得操練者亦有懶惰好閑甘於遊蕩  
者一家多或五七人少者亦不下四三人括而  
盡之可得萬數臣等切詳官舍出自將家多係  
應襲之數操練乃其本等况今聲息警急京師  
守備爲重緊關用人似此官舍縱不能爲隨軍  
赴敵之資亦可爲上城守備之用較之去年急  
用民夫匠作人等實爲遠勝乞

勅該部通行在京各府衛所各將軍職官員之家弟  
男子姪年二十歲以上不係殘疾或甥婿等項  
及年未及二十歲情願操練者各各從實報開  
并行五城兵馬司排門挨究不許隱漏捏故作



西垣奏草 卷六  
三十五  
獎事發一體治罪挨報至日陸續送赴總督軍  
務少保兵部尚書于謙總兵官武清侯石亨處  
點選除軟弱不堪外其餘分撥隊伍另作一營  
隨軍操練遇警聽候守城守門調用仍與計議  
每月量與口糧庶使貧窘者樂於効力其隨軍  
操練及關支口糧俱候寧息之日另行奏請  
定奪則官舍不致閑曠緊急不至乏人具題景  
泰元年六月二十五日奏奉

聖旨兵部知道欽此續該兵部議擬目今邊務方殷  
緊關用人之際合無准擬取勘等因已經奏

准通行去後續又該兵部題稱在京各衛所取勘止  
報到弟男子姪九百二十名送管操練中間有  
不全開報者有止報委官職名無人送到者况  
在京七十六衛所額設并帶俸官員不下數十  
餘萬其家下人丁奚啻數萬如遇承襲職事其  
無親男者多將堂兄人等保送襲替及至選堪  
用之人通不及千數顯是近年以來武備懈弛  
人無警懼以致互相蒙蔽不行盡數報出合無  
再行定限取勘務要前項官舍見數清切造冊  
連人送部斟酌選揀堪中者送管操練不堪者



退回生理幫貼軍裝等因又經奏

准通行去後續又該兵部題在京各衛其并造到舍人冊內有不開本衛見任及帶俸官員若干者有見在數少事故數多者有止開舍人而不開空閑事故若干者有具奏而不將文冊送部者有將人丁隱漏不報者且如羽林前衛百戶張勝下第男叔張貴等六丁俱各不行造報卽今張勝雖已自首誠恐似此埋沒者多顯是衛所官吏不以軍務爲重仍前隱蔽不報再照在京各衛見任并帶俸官動以萬計延今取勘

日久送管操練者不及二千中間情弊顯然合行清軍御史給事中將前項舍人重別取勘造冊具奏送部以憑酌量揀選官下丁多精壯者量取送管操練若丁少及軟弱等項聽其自在生理幫貼軍裝其應襲舍人務要一體送操以備日後襲替調用等因又經奏准通行去訖

臣等切惟本科陳言止因向時警急乏人要將官舍選用寧息之日另行定奪兵部節次擬奏申明無非要將官舍數目明白清出不致隱瞞待後數目清切之時斟酌揀選丁多及精壯者



量送操練其丁少輒弱等項悉聽自在生理幫  
貼軍裝俱有前項節次奏 准明文通行各該  
衙門備照今自行勘以來已經三月報數尙未  
清切送操不及二千訪得在京官舍人等有妄  
稱要將各官舍人不分多寡不論強弱盡數清  
出見丁操練妨誤生理不能寧居人情洶洶似  
爲不堪究其所繇蓋因衛所官吏不惟夤緣蒙  
蔽欺公玩法又且不將

朝廷事體上司明文曉諭下人使其意以致愚  
人張皇疑慮易惑難曉 國家當行大事固於

人言不恤然卽今邊事稍寧之時正安靖人心  
之日流言若此誠爲未便乞

勅兵部通查前項節次具奏

旨意明文備榜於在京各衛所及街市去處張掛曉  
諭遵守不許虛傳妄說搖惑人心亦不許倚法  
爲奸沮壞兵政則兵戎之大事可行愚下之流  
言自息謹題

景泰元年十月初三日

題爲奏事失當事景泰元年十月二十一日早該  
鴻臚寺序班王恕引南京左府舍人唐智齋本



二封奏聞訖送科看得內奏一本軍職官員  
事啓一本歷事監生事係是各別事情一則有  
奏無啓一則有啓無奏本科雖已收發行抄緣  
事屬違式又恐所司奉行未便參照南京  
左府掌府事駙馬都尉趙輝經歷司經歷沈孟  
範封章上陳誠敬何在有事啓而不奏甚失尊  
君之禮若不明正其罪無以警戒將來乞

勅南京都察院行提趙輝沈孟範問罪如律以警將  
來謹題

景泰元年十月二十四日

題爲風憲失職等事該寧夏叅贊軍務右僉都御  
史韓福題遵奉建言事理體訪到總兵官都督  
同知張泰無謀無勇等情該通政司官奏奉  
聖旨該衙門知道欽此近又該韓福具題前情該兵  
部官節次欽奉

聖旨韓福與張泰在邊未聞協和効力行事却常互  
相矛盾攪擾

朝廷已有勅切責他去了欽此查得先該張泰奏  
太監來福都御史韓福都指揮熊震等朋合誣  
陷及來福家人指揮福海馮友才等賄賂相通



等情該兵部官看詳覆奏拏問奉

聖旨來福張泰命充鎮守總兵自合協和行事却乃  
循私互相矛盾韓福職居臺憲不能正已如何正  
人罪本難恕念他守邊且姑容不問便寫勅去切  
責今後再不遵守法度協同行事都不饒福海馮  
友才着巡按御史拿問明白照例發落干碍熊震  
周英奏處置欽此欽遵此誠

皇上軫念邊方天地之德洞燭奸弊日月之明法度  
幸甚今該韓福累題前因臣等叅照韓福久孤  
民牧託預薦章本無統馭之才曷稱激揚之任

濫保無功千戶則輕名器而厚私恩邀截伸訴  
指揮則徇權豪而妨公道來福既貪婪剝下一  
向交結而不言張泰既怯懦失機當時蒙蔽而  
不奏後因張泰陳情舉奏不法方纔撻拾張泰  
掩飭已非况韓福係風憲大臣受任邊方叅贊  
自鎮守以下官員大小一應事務凡諸糾奏興  
革俱係職分當爲却言爲有建言事理遵奉體  
訪將使無建言事理則體訪之不聞使非張泰  
舉奏亦撻拾之未暇且其所奏全無指陳實跡  
止是虛飾繁文自矜廉能自叙履歷宥免斧越



則字義莫辨豈盛任使則文理不通孫吳張許之援引無稽虎噬螳螂之聲牙難讀敢違直言簡易之律甚非臣子告君之言似此庸才實難長憲臣等又聞天時地利不如人和將臣不和兵家所忌今者黠虜之狡譎未已寧夏實三邊要衝張泰韓福等平居守土尙爾失和萬一有警豈不壞事雖蒙

皇上勅旨切責俾之自新誠恐各官不務改悛愈加相忌况庸才如韓福者終難稱職伏望

聖明急選剛正廉能大臣一員前去寧夏代替韓福回京拏送法司究問仍差廉幹御史一員前去體訪韓福所奏張泰事情明白回奏定奪庶使邊臣知戒重地無虞謹題

景泰元年十一月初二日

題爲僭運糧儲事該總兵官都督徐恭題查得遮洋運糧南京水軍左等衛官軍正欲催船兌糧缺官管理訪得署都指揮侯端在京操備堪以把總運糧欲便摘委等因該通政司官奏奉

聖旨兵部知道欽此查得先該本科官訪得侯端勇力過人禦却倭寇照例舉薦總兵官試驗得膺



力絕倫弓馬熟閑兵部議擬具奏

欽陞前職係在京緊用聽調殺賊人員今徐恭輒行  
訪保堪令把總運糧且言欲便摘委顯係專擅  
不無情弊乞

勅兵部看詳奏奪庶任用得宜奸弊不作謹題

景泰元年十一月 日

西垣奏草卷六

葉文莊公西垣奏草卷七

吏部左侍郎謚文莊崑山葉盛存藁

孫衡州府同知 夢淇較定

六世孫禮部主事 重華彙梓

題爲求言禦寇安邊事照得近該兵部節奏北虜  
賊酋有復來犯邊之意臣等切惟此賊陽託和  
好之名陰蓄憑凌之志是和好之說必不可恃  
而憑凌之患不可不防此理共知不待智者况  
今日瘡痍之痛甫定救寧之効未臻苗蠻昌熾  
於西南猺獠美兵於兩廣凡百汲汲有爲惟恐



緩不及事若猶因循苟且則事尙未可知然今日當爲之事固多而莫若禦寇安邊之爲急也禦寇安邊固未易爲而爲之之要在求言以行之耳欽惟

皇上爰自居輔繼登大寶以來體天法

祖一志求言所頒

詔諭不一而止以故芻蕘之微皆得自達苟有可稱卽見嘉納正言路大開盡言不諱之日也但言者或緩急之不知或鉅細之雜陳奉行者或知之而未行或行之而未至是誠未足以隆脩攘

之業收廓清之功副

皇上中興圖治汲汲皇皇求言納諫之盛心也臣等生長盛時叨聯侍近雖一得之愚亦嘗過蒙天聽而淺陋迂踈於事無補受恩思効言不迨心夙夜憂惶罔知所措竊復自謂天下大物也兵戎大事也民風土俗萬有不齊人情事體各有攸宜必非單詞一力所能料理維持者若非廣延衆論俯察輿情切恐事迫臨期徒貽悔恨如

蒙

聖慈聽納愚言特降



玉音如古虞聖所謂好察邇言如唐賢臣所謂導人  
使言除有 詔書事理 朝廷及軍民中事有  
未宜及與利除害等事許諸人直言無隱不拘  
外特令在京各衙門堂上官文職五品以上武  
職三品以上并六科給事中十三道監察御史  
翰林院尚寶司中書舍人近侍官員俱於今年  
十二月以裏或各具奏章或令辭連署務盡所  
長開陳禦寇安邊奇謀上策如云若何可以摧  
強屈敵若何可以出奇制勝寇兵猝至何以應  
之求請無厭何以杜之士馬之操練未精者何  
故必用何法始精邊儲之供餉未足者何繇必  
行何政始足某處地方要害防鎮之道何居某  
處關城頽廢脩守之方安在前日所稽之功罪  
孰爲得失如何可以收人心今日所習之器械  
孰爲優劣如何可以必全勝某人有某長可治  
軍旅而屈在下僚某人有某短恐妨調用而過  
居高位孰可以爲戰將孰可以爲守臣戎行遷  
謫之中何人可以棄瑕錄用監軍守鎮之任何  
人可以旌異超遷他若天下之大本當世之急  
務與夫上干



西垣奏草 卷七  
朝廷事關廊廟凡可以衛國保民可以濟時艱裨  
軍政者悉聽罄竭以備采擇其間人品不同分  
量亦異或止能區處一事或兼能識達衆事隨  
其所能俾得自盡務須直陳實事毋徒虛飾繁  
文仍不許遲迴顧忌及以位卑越職爲辭而退  
有後言俟陸續封進羣言畢集仍乞

聖明於大臣元老平昔公清直諒良實忠純者及  
經筵內閣密邇老臣與兵部等該衙門特加宣召付  
之議擬令其勿事虛文勿應故事不論其人之  
崇卑惟觀其言之當否不必欲其同已而惟求

得乎事機不必嫌其異已而惟求合乎情理言  
苟不當必隱之而貸其過言之果善必從之而  
見諸行萬懇

聖斷親徹御覽重加諏難使之開陳利害所在的然  
可施行者卽下所司以必行之不惑浮議不懈  
初終則嘉言日進而

聖德益崇治具畢張而強寇自弭臣等之福也社稷  
邊境之福也天下生靈之福也不勝幸甚再照  
南京國之根本方鎮國之藩維休戚惟均安危  
所係其南京各衙門并各處鎮守總督等項堂



西垣奏草 卷七 四  
上文武官及都布按三司正官合無行令將彼處事宜一體陳奏至日施行臣等不勝犬馬奉君尊王之誠謹題

景泰元年十二月十二日

題爲資給軍儲事切見京城角頭等處停積客貨客店塌房蓋往年無事之日出於一時恩賜皆爲貴近勲戚權豪勢要之家所有究其所得客商之利以歲計之何止鉅萬加以近年客店往往容留無藉之徒或號稱管店或叫名小脚倚恃權豪虛張聲勢於京城內外遠近夫處邀截

貨物不容客便甚至欺詐銀兩打死人命靡所不爲雖曾事發治罪犯者接踵臣等切詳卽今二三邊聲息未寧軍國所需方急納馬上草開鹽鬻爵日不暇給其前項貴近勲戚之家高爵厚祿富貴兼備而又侵利於國貽罪於人揆之理法實爲不可若不先爲處置不惟蠹國竭財尤恐長奸縱惡商旅斷絕關係非輕伏望

聖明特勅該部行令順天府將在京應有塌房除已入官外其餘不分內外貴近勲戚所有盡數查勘得出通行籍記在官本府正官督委整理該



得鋪錢以備軍儲急用仍行巡視御史每季稽考收支實數如容隱弊漏訪察奏聞庶幾遏絕豪要無厭之欲且輦轂之下兇惡不萌而實足以資給軍儲之萬一謹題

景泰二年三月十九日

題爲不謹事景泰二年三月二十七日早有兵部武選清吏司主事李郁赴科於各衙門寄文書套內取出紙封文書一角稱係內官來福題本是郁接出抄呈施行訖封寄在此今合取繳照得一應王府并內官本例不送科俱係各衙門官員接出就於內府抄行隨即繳進今前本係是景泰元年五月內接出除本官自行送繳外參照李郁不行敬謹以致繳本稽遲合當拏問謹題

景泰二年三月二十七日

題爲邊將不忠事該鎮守延綏右都督王禎題有母周氏在於陝西城內欲暫行省視等因欽奉聖旨他守邊怎麼要省親不准欽此參照王禎官居主帥素負狠愎之名職守邊方未著廓清之績頃緣西賊入境偶有犬馬微勞



西垣奏草 卷七  
皇上既爵之以正位都垣復錫之銀兩綵幣爲王禎者自合益勵臣節圖報國恩乃驕心卽萌私恩是顧以賊情爲餘事視邊報如等閑其言胡虜歸欵雍熙徵應是有欺誑諛佞之心其言指揮等官奉公守法是有朋比交通之跡名旣托於省母且欲任其往來中間恐有別情不忠一至於此臣等切詳卽日聲息不絕且聞謀犯西邊惟彼延緩尤爲要地當王憂臣辱之日正忘家狗國之時王禎不正刑章邊將終無警戒乞勅該部另選將臣一員代替王禎鎮守及行協贊軍

務副都御史馬恭將王禎拿問明白解京奏

請發落謹題

景泰二年四月二十九日

題爲軍務等事該鎮守宣府都督紀廣等奏稱虜賊近邊等因查得近該羣臣上言議遣使事節該欽奉

聖旨朕承大統拳拳欲富國強兵以報讎雪耻思與虜絕而卿等乃累言復欲如前遣使與虜往來非朕本心不允所請咨爾大小文武羣臣其共計議長策果當如何可副朕志明具以聞勿事空言圖



保身家而已欽此續該文武大臣及臣等覆奏奉  
聖旨卿等但當廣議備邊禦寇復讎雪耻長策軍馬  
如何可以戰無不勝糧草如何可以用無不給草  
茅之士尚思獻議國家政事况國之大臣乎卿等  
勉之使臣不差欽此欽遵有以知

皇上真大有爲之君不世出之主決脩攘之大計明  
興復之大義聖謨神斷出於尋常萬萬也臣等  
俱以駑鈍叨忝言官不能供職盡言以致上勞  
督責若猶循默自守何以少逭刑章况今邊報  
沓至誠要義激不知所云今將合言事件開坐

謹題

一件飭勵將臣事項緣多事以來軍職官員其  
間多有拔自行伍或起自外藩典握重兵享  
有高爵豐功偉烈未大彰聞而侯伯等官

皇上賜之宅第賜之弓馬賜之金帛衣帶賜之  
誥券俾世世榮寵餘亦多准軍功驟陞傳及  
子孫駢蕃之錫希濶之恩茂以加矣其間感  
恩知報者固有而孤恩負國者亦多縱放軍  
士供役私門有之委之統領剝削科斂者有  
之荒淫沉湎酷虐無狀者有之甚至奔競成



風趨諂勢要不顧兵戎大事忿爭失和肆爲  
恇怯之言摧沮三軍之氣保身家之富貴幸  
朝廷之講和近日保傳等官胡濙王直等所言  
今日將軍有生之樂士卒無死之心及卽今  
邊防未盡脩舉等語要皆切中時病誠非過  
論比者各官累犯

皇上至仁並從寬貸誠恐各官知有

朝廷之恩不知有 朝廷之威凡事循常全無  
警懼若不痛加戒飭何以望其克集大勲書  
曰威克厥愛允濟愛克厥威允罔功兵法亦  
曰畏我者不畏敵畏敵者不畏我此之謂也  
伏望

聖慈一如上項節次

聖諭請

勅總督總兵及各營大小頭目諭以

國家今日用兵甚非得已蓋緣逆賊背德渝盟  
逼近邊境以故不恃講和按兵秣馬以報大  
讎雪國耻爲急務爲將臣者務須上體

聖情下恤軍士勿惑和議勿圖苟安不可有遷  
延中已之思玩歲愒日之念毋蹈前轍毋貽



西垣奏章 卷七  
後悔以進死爲榮以退生爲辱有功者賞不  
吝於褒嘉無功者罰必嚴於誅戮其總督大  
臣亦須盡心力以開導之積誠意以感動之  
調合衆情振作士氣如有不悛仍前做効及  
臨陣先退望敵不進之人許其同列互相簡  
舉總督大臣指實効奏許六科十三道官風  
聞糾劾審覆是實輕則降調重則誅戮則人  
心曉然皆知

皇上下計已決大義愈明恩威並行不事姑息  
三軍之士不戰而氣自倍逆賊不足平也

一件佐理軍務事聞之軍馬用事固賴武臣以  
宣力必資文臣以督理是以

國家行師必先總督其次叅贊紀功叅贊者籌  
畫之輔紀功者賞罰之司誠不可或缺也况  
達賊侵犯雲集烏散去來無方不可測料而  
軍馬之行或分一枝或當一面故總督可以  
一人而叅贊紀功不可以一人必位望隆重  
識達軍旅者然後可充其選而又預備多人  
庶幾臨時足用又文臣本皆書生類多闇於  
武事或者身不慣鞍馬目不識旗幟一旦臨



期奏

請差遣猝然受命鮮不憤事孫祥趙麟前鑒未  
遠傳曰凡事豫則立不豫則廢又曰備豫不  
虞兵法亦曰以虞待不虞者勝此之謂也伏  
望

聖明特令吏部兵部於六部都察院大理寺通  
政司等衙門堂上官除掌印正官及年齡漸  
高精力稍減者外其餘一一具名上聞請  
旨點選精力強健曉暢軍事堪以叅贊紀功者  
十數員不妨本衙門職務不必先加以叅贊

等名目不必令其干預軍務止令輪流每日  
朝退或一員或二員隨同總督軍務少保于  
謙躬詣教場監軍操練使聞見習熟下人知  
識凡諸操練事體亦得與總督總兵等官商  
確裨益既不許猜嫌生事亦不許因循悞事  
一或有警承

命卽行俾之叅贊紀功則文武兼資而彼此得  
以相成事功易立而緩急不致有誤

景泰二年五月二十一日

題爲弭灾防患等事伏見邇來天降灾異或土星



犯上相逆行太微垣或太白晝見或日食臣竊  
惟災異之事雖治平之世所不能無而天人之  
際象不虛發其要在於君臣上下脩德務實  
以禳之則可轉禍而爲福易危而就安也恭遇  
皇上有至聖之資有孝友之德有愛物之心有撥亂  
之功臨御以來累下德音恤軍恤民恒如不及  
以故四方寇盜漸底削平逆虜革心奔走闕下  
宜可以弭災矣而上天猶若是顯示譴告者何  
哉意者上天仁愛

皇上欲益勤省躬大脩政事以圖天下之治使

皇上神功聖德必至於極隆全盛而後已也天於

皇上可謂厚矣伏望

皇上益畏天命益謹天戒視聽言動循乎天理好惡  
用舍合乎天心天叙天秩不以旣叙旣秩而或  
怠天命天討不以旣公旣平而或忽聲色玩好  
一無所預矣而必堅夫旣絕之心服食器用悉  
從乎儉矣而必防夫未形之漸黷虜雖款不就  
宴安年歲雖豐不忘饑饉仍申

勅文武羣臣一遵

皇上卽位之初所降勅旨所謂庸庸保位緘默不



言請託公行希求遷叙剋培下人以圖奉獻貪  
墨無厭以肥身家凡諸不律之事則絕之而益  
嚴所謂務秉公廉恪勤乃職治民者悉心愛民  
治軍者悉心愛軍司銓選者量材授任務出至  
公理刑名者原情定罪俾歸至當居言路而利  
害並陳職風憲而激揚兼舉凡諸當爲之事則  
勉之而益力洗心滌慮循名責實以共濟艱難  
以開召太平以成脩輔之功庶幾慰答天意迓  
承天眷禎祥之兆與殃咎之應熄矣臣叨居言  
路義不容默今者不敢遠稽泛論煩瀆

聖聰謹直述弭災防患十有二事以聞雖計拙言踈  
無關國體不足以應天變然而裨補消復或冀  
少効萬一惟宥其狂直矜其愚衷特

勅各該衙門詳度可否施行不勝幸甚謹題

一爲治以節用愛人爲本今山西并北直隸府  
分人民十分艱難乞令戶部於一應催徵差  
役等項悉遵節次

詔書內事理務須着實分豁停免少結疲民之  
心免致流亡之極仍行計議在京在外凡百  
無益冗費用度合行減省事宜會官看詳允



當奏 請施行以足國用以紓民力

一朝廷備禦急務撫養軍士爲先雖是累蒙恩賜尤當加意顧恤况今逆虜臨邊防秋緊要乞命兵部通查各處緊要邊關照依往年事例選差廉幹給事中御史分投齎

勅前去就彼官司所有銀兩布疋量與賞賚唱名給散務行實惠俾其置辦軍裝樂於効力就行戒諭守臣將帥御兵之法常須嚴整毋令驕惰如有不堪其任或害軍妨事者許差官跡實密封以

聞輕則切責警勵重則更易其人

一在京各衛軍匠見在各監局上工者多係身力壯健堪備征操亦曾連名自奏情願征操者况今營造不急工程已蒙停罷乞令該部行移各衛通查實數除成造軍器及內官監見造戰車者外其餘暫送操練防秋備冬俟後再行定奪則人得實用糧不虛費

一遇災恤刑自古皆然近者在京獄囚已蒙審錄乞令法司計議矜疑條件分投差官或行移南京并各處撫按司府正官應有遠年不



結久監輕重囚犯照例會審發落重刑奏  
聞區處以召和氣

一廣東廣西四川貴州湖廣浙江福建等處賊  
情惟廣西貴州未見寧息其餘多已克平其  
先差殺賊守禦文武官員乞令兵部酌留大  
臣威望素立一方懾伏者在彼嚴兵自守鎮  
靜防奸其餘悉令回京以寬轉餉之勞以安  
反側之心以銷鋒鏑之慘

一京賊迤南沿河一帶白晝昏夜盜賊騎馬持  
仗搶奪財物甚至殺傷人命聞多上下輪班  
操軍或明說操備艱難問要盤纏或暗爲強  
盜恣肆猖獗蓋在衛所起行之時地方已受  
其害久矣乞令錦衣衛巡捕官兵用心緝捕  
及令法司行移各按察司及巡河御史榜諭  
禁治務使強暴斂跡地方獲安

一多事以來各處司府州縣衛所官員如浙江  
都指揮脫綱僉事王晟等皆平日號稱謀勇  
廉能官員一旦禦寇歿於王事旌褒未加恩  
典尚缺乞令吏部兵部通行各處司府州縣  
衛所及殺賊守禦官處查問但有前項官員



四庫全書 卷七  
如果奮身遇害不係退縮悞事即便從公保  
勘申聞褒恤或照知府知縣張瑛鄧顒等事  
例贈祭醜錄以慰死者之靈以爲生者之勸  
一比年官員有因註誤中傷或因公獲罪見在  
行伍遷謫之中情罪可矜材堪任用如寺丞  
羅綺知州傅霖之類乞令吏部查理開 奏  
量與復官以申淹滯

一獄訟繁興甚而累死無罪怨氣動天今之越  
訴誣告者有本等律條其不許告許不干已  
事等項者有侍郎周忱等建言事例不許告  
言及受理赦前事者有景泰元年八月十九  
日 詔書乞令法司通查前項事理申明禁  
約曉諭通行遵守庶使愚頑不犯良善不冤  
一思患預防保民首務往年

朝廷曾令各處撫按司府州縣正官儲積穀石  
乘今豐熟之時必須用心整理照數稽考毋  
致侵盜隨宜設法勸借儲蓄務在倉廩克盈  
凶荒有備

一浙江等布政司賊人生發去處多有捕獲賊  
從監候奏報處決者中間豈無困於饑寒迫



西垣奏草 卷七  
於豪強脅從之人哀矜勿喜古語具在乞令  
法司行各處撫按三司官但有前項賊囚公  
同研審訪察里隣人等如平日不係暴惡及  
不係對敵擒獲情有可疑者明白聲說類奏  
酌量情犯或遷配遠方或發充邊軍庶不致  
濫及無辜致于天和

一通州以南一帶河道并徐呂二洪凡軍儲國  
用朝覲會同番夷貢獻官民商旅往來必繇  
之路關繫非小近聞水溢灘淺難行其徐呂  
二洪尤甚蓋因黃河改竭水失故道乞令該  
衙門會同計議疏濬濬長策務使水道通行仰  
給不誤

景泰二年六月十六日

題爲急缺官員事節該欽奉

聖旨給事中御史務要剛直明辨選用欽此欽遵先  
該欽奉

太上皇帝聖旨今後給事中選揀行止端莊人物豐  
偉語言正當才識優長的除授欽此欽遵照得本  
科除都給事中左右給事中外額設給事中十  
員今照給事中蔣性中豐慶劉斌錢澍等俱各



陞除守制養病等項去訖谷茂公差未回及照  
給事中劉清見在貴州叅贊軍務累該靖遠伯  
等官王驥等奏保陞用近該兵部覆奏節該奉  
聖旨劉清既有功待他回京陞用欽此除欽遵外所  
據前項員缺俱未銓補乞

勅吏部於各衙門觀政進士內照例選揀除授前來  
辦事便益謹題

景泰二年八月初五日

題爲失體徼恩事該巡撫遼東左副都御史李純  
題稱先因有功蒙陞從二品俸有虧其功乞論

功定議爲此激切等因開坐該通政司官奏奉  
聖旨該衙門看欽此欽遵臣等嘗謂宣力効勞者人  
臣之職分冒耻貪榮者小人之私心切照李純  
本以非才叨典風紀論其守職則豐功未立求  
其律已則清譽未彰爲

朝廷之大臣當巡撫之重寄殺賊禦邊皆其責任  
縱有分寸補報亦係職分當爲且前年遼東失  
機純亦不能無罪

朝廷不加譴罰又復陞其俸給恩德如此恬不知  
感罔思蓋愆悔罪乃敢覬寵徼恩又况自陳功



次希求遷叙中人之所不爲純安然爲之壞廉  
耻之風失大臣之體要君罔上情罪難容不學  
無術有玷臺憲所摠李純合當拏問謹題

景泰二年八月

西垣奏草卷七

葉文莊公西垣奏草卷八

吏部左侍郎謚文莊崑山葉盛存藁

孫衡州府同知 夢淇較定

六世孫禮部主事 重華彙梓

題爲陳言勤政事臣聞昔臯陶陳謨于帝其言曰

無教逸欲有邦兢兢業業一日二日萬幾蓋以  
一日二日之間事幾之來其多至萬是欲其君  
以勤率下以逸爲戒也鄭子產云君子朝以聽  
政晝以訪問誠以一日之內服勞有時亦遠疾  
之道也而宋儒程願告其君以輔養之道亦以



爲人主一日之中多接賢士大夫則自然氣質  
變化德器成就而又以爲天下之事無急於此  
合而觀之則勤政其君道之先務歟洪惟我朝  
列聖相承咸隆斯道午朝視政厥有常制圖治之効  
具見成績

皇上中興運啓躬攬萬幾履載之間四海之內凡有  
血氣者莫不延頸傾耳想望太平二年于茲今  
者夷蠻醜類將悉嚮風大綱小紀日以恢廓而  
皇上體道謙冲不自滿假方且宵旰求賢昧爽視朝  
勤講讀之功以緝熙聖學來忠讜之言以裨益

聖治顯顯乾乾日謹一日此誠宗社之福臣民  
之幸也緣今天氣清涼

聖體優裕臣愚欲乞

皇上特 勅各該衙門查按

祖宗午朝故事奏 請舉行則天下幸甚謹題

景泰二年八月十五日

題爲玩法方命等事該右都督田禮奏稱原在貴  
州等處殺賊不期都御史王來無故將伊具奏  
蒙取回替職緣今精健乞仍聽調殺賊等因奉  
聖旨兵部知道着操練聽調欽此照得本官先蒙差



往雲南等處殺賊克右副總兵無功有罪人所  
共知後調貴州領軍致被都御史王來奏伊昏  
憤不立難稱任使該兵部議擬合將田禮取回  
令嫡親男兒替職奏奉

聖旨是欽此及至本官回京不行遵

旨送替乃仍稱副總兵名目奏稱殺賊之日斬殺百  
戶朱原未審總督總兵官有無節制於軍法制  
命有無相應及曾否攻破寨柵殺敗賊衆查本  
官總兵殺賊訖無成功係都御史王來具奏兵  
部覆奏取回替職人數今又延緩日久方行具

題前因中間恐有別情宜從抄出叅查奏請  
施行該兵部叅照田禮係干擅殺人命合行靖  
遠伯王驥處查勘回奏仍行田禮將嫡親兒男  
保送替職不許覬覦任事虛糜廩祿有乖清議  
等因奏奉

聖旨是欽此今本官又復不行遵依

勅旨隨即替職却又具奏前因臣等嘗謂莫嚴於國  
法而犯法無忌者難容莫重於君命而逆命不  
行者必罪況中興啓運之日正下人聽令之時  
切照田禮奔競小人闖茸無狀驟遷都督既不



西垣奏草 卷八 三  
繇於軍功幸貳正垣亦倖徼乎恩典今者公然廢格累次

詔旨又復隱匿前項情詞謂君命不足行國法不足畏似此不道何以復加若不明正典刑以爲後來之戒不惟小人得志實於大體有乖聞風効尤關繫不細所據田禮合當拏問謹題

景泰三年八月二十九日

題爲事例事該都察院題該巡按直隸監察御史鄭韶題據宣府百戶金良報說有襄垣王帶領教授白玉校尉徐玉等七員名到驛駐馬臣訪

得王原係自行赴京不魯奉命起取縱有機密重事止許實封馳奏却乃擅離邊城臣切見宣府迤東長安嶺麻峪等口路通外境最係險要處所誠恐沿途不測有悞大事再照王不遵祖訓故違禁例不奉

勅旨擅自赴京其大同鎮守總兵官郭登等不行勸阻輒便放出俱合問罪緣係郡王及鎮守邊將伏乞

聖裁等因具本該通政使司官奏奉

聖旨都察院知道欽此該刑科叅看得御史鄭韶將



襄垣王叅要問罪未審應否宜從抄出查寃施行除襄垣王擅自出城赴京及定襄伯郭登等不行阻當緣繇另行叅奏外切照監察御史乃朝廷耳目之職在內在外自合知無不言出巡一方軍機民情無不干預王國邊務皆係關防一人之精神有限庶事俱允當實難若少有公過輒便拏問不惟下無全才抑且沮礙風憲今御史鄭韶叅稱襄垣王不遵

祖訓要行問罪雖是詞語過當但鄭韶之心正知有朝廷不知有王國合無照依常例將鄭韶前項

差悞緣繇年終類奏取自

上裁及今後御史叅奏不公不法事情遇此差悞不分本院并各部抄行俱照例年終類本奏

請定奪等因景泰二年九月十六日左都御史王文等具題

聖旨是欽此除將御史鄭韶所犯難照年終類奏事例緣繇另行具題奉

欽依待回刑部拏問外所據叅稱要將御史今後叅奏一應事情遇此差悞不分本院并各部抄行俱照例年終類奏一節臣等切惟



朝廷建置六科職掌封駁章奏舉正欺蔽凡一應  
大小衙門官員軍民人等奏題本內如有漏寫  
年月差錯字樣水墨跡污僉書不謹等項事理  
輕者於原本後叅出各該衙門通抄案候年終  
類奏發落其有不遵禁令干係政體事有規避  
於法違礙事理重者除另行奏請外其餘亦  
俱於原本後叅出各衙門抄出叅詳明白通行  
覆奏恩威予奪取自

上裁蓋自

祖宗以來至於今日各該衙門叅詳覆奏常行舊例  
無敢輕擅改更廢棄職掌今該前因合無今後  
叅出御史奏題本內違錯緣繇除事理輕者年  
終類奏外其事理重者合無仍照舊例各該衙  
門抄出叅詳覆奏取自

上裁惟復不必照依舊例不分事理輕重一槩叅出  
年終類奏謹題

景泰二年九月二十三日

題爲糾劾事嘗謂罪莫大於欺罔而大臣欺罔者  
罪不容誅法莫嚴於怙終而小人怙終者法難  
輕貸舊章具在重典必加切照戶部尚書兼翰



林院學士陳循一介書生叨居清要尚書學士  
官品極其崇高內閣經筵責任最爲深重豐殺  
法醞日給大官製帶襲衣疊出內帑五朝作養  
百辟具瞻恩封上及其祖宗葬祭下臨於繼室  
儒臣遭際之幸又孰有過於斯乃陳循妄意要  
君甘心負國醜顏厚貌全無補報之心恃寵矜  
恩大肆兇強之志豪橫鄉曲卽吞併其墳山暴  
虐貧寒敢強占其田地李遇乃奔競小輩以伊  
女之夫而代爲誣寃李武本激變元兇以伊婿  
之兄而曲爲營救傳致平人於土豪事例恣逞  
已威構捏鄉民以人命重情熒惑  
上聽周鑑執法不屈反羅織以爲奸王豪勘事不阿  
又支吾以文過情詞虛妄欺罔之罪莫逃塵瀆  
再三怙終之惡已著雖

皇上寬仁大度曲加保全奈陳循稔惡不悛愈無忌  
憚跡雖蔑視風憲實則愚弄

朝廷臣等切詳方今多事之秋而陳循謬當內相  
之首救時急務曾一事之不聞利已巧言乃連  
章而不厭昧

主憂臣辱之義舍忘家徇國之心謂天可欺謂人可



侮謂

祖宗之法度不足畏謂士大夫之清議不足恤是致九重煩厭萬口沸騰蓋孔子之不信宰予知言行之莫掩呂誨之必彈安石識奸詐之難容伏望

皇上處以至公斷以大義明彰

祖訓大正邦刑將陳循拏送法司明正其罪以爲人

臣欺罔怙終之戒緣係京官未敢擅便臣等於

景泰二年十月十五日大班劾奏謹題

景泰二年十月十四日

題爲方命不法事該巡按福建御史邢宥題稱叅

照福建都司署都指揮同知秦敏茂視

朝廷故違

上命不將都司印信付與都指揮僉事王勝掌管誠

恐遇有警急不服遣調合當拏問等因及該秦

敏題稱王勝係是曾經失機官員及有礙品級

等因俱奉

聖旨兵部知道欽此欽遵查得近該兵部題爲舉廉

撫軍事叅照福建尚寶監右監丞戴細保奏稱

都指揮秦敏捕賊之時推病躲避回家偷安賊

平之後却稱病痊赴司掌印今明知王勝欽准



在司掌印故不遵依將印信銅牌佔留在此欺慢不忠要乞提問一節合無行移都察院轉行巡按御史將秦敏拏問發落惟復行令王勝照依先奉

欽依專一在司掌印不許別項差遣秦敏協同在司管事將印信等件俱交與王勝收掌不許仍前故違占恠題奉

聖旨是欽此欽遵雖奉 欽依未蒙定奪今訪前因<sub>臣</sub>等查得王勝係福建巡按清軍御史及布按二司官員及鎮守內臣累次連章合辭奏稱福

建有司耆老旗軍人民衆論攸同舉保本官廉潔公平軍民愛戴要令專一在司管事兵部已經三次叅詳奏准王勝掌印管事公議已定聖旨已行秦敏乃敢忌嫉廉能廢格

命令不知 朝廷用人惟賢是任自有斟酌權宜乃妄自拘執失機品級之說再三倔强扈煩瀆聖聰若不急加重典切恐貽患方來誠有如御史邢宥之所言者乞

勅法司差人將秦敏擒拏赴京明正其罪以警其餘其王勝仍照節次



欽依事理掌印管事則法令昭明而奸頑知懼任用  
公當而軍民被福謹題

景泰二年十月二十一日

題爲邊務事照得近該都督孫安都指揮王林等  
奏兵部議擬要將開平等處比先被賊驚散官  
軍家小人口在京寄住者盡數發回原衛完住  
緣今正係霜雪嚴沍墮指裂膚時月前項人口  
訪得中多老幼人數啼飢號寒扶老携幼不能  
前去良可矜憫又況彼處地方房屋屯堡尚未  
修復卽日地凍天寒難於措手若使一槩驅迫

前去不惟逃竄無益實恐死亡相籍臣等切詳  
孫安王林等所奏兵部所議擬皆爲國至計然  
竊聞之邊務緊關固不可行姑息之政而下情  
艱苦亦不可無體恤之心伏望

聖慈憐憫特

勅兵部將前項人口除已行外其餘合無止令正軍  
當房前去剩下老幼暫候春暖起行惟復俱令  
暫候春和隨卽起行再不許托故稽延誤事以  
致邊境缺人庶使下無怨嗟事克濟利謹題

景泰二年十月二十七日



題爲糾劾事該德勝門奉御阮允等題稱景泰二年十一月初八日早操備軍馬出門踏死人馬又該總督軍務少保兼兵部尚書于謙武清侯石亨等題稱前因要行查問守門官軍等因節該欽奉

聖旨着六科看欽此欽遵叅照于謙石亨并安遠侯柳溥都督都指揮等官衛穎等平日不體

聖心急廢兵政號令不嚴隊伍不整以致軍無次序傷害人馬數多尚不咎已恤人乃敢支吾叅奏所據各官俱合拏問以警將來臣等同十三道

御史於本月初九日大班劾奏謹題

景泰二年十一月初八日

題爲糾劾事嘗謂掌兵戎而防奸禦侮者

國家之重務統士馬而違紀失律者刑罰之必先舊典斯存明章罔赦切照總督軍務少保兼兵部尚書于謙總兵官武清侯石亨安遠侯柳溥都督都指揮等官衛穎等俱以凡陋叨際聖明或先文武之班而身居高位或席父祖之廕而手握重兵恩寵極其優崇責任至爲重大指麾得失三軍之生死所關訓練乖宜四海之安危是



繫爲各官者所當殫智畢慮仰副

聖心奈何襲故循常致妨軍政保身家之富貴幸夷虜之請和寬縱部役而士卒並多買閑奉承勢要而官旗遂供私役號令不嚴則坐作進退之無法隊伍不整則前後左右之未明次序全無紀律何在昨者德勝門外躡死人馬數多虧損軍容非特有乖於清議摧沮士氣豈惟貽笑於外方尚不咎已恤人乃敢支吾叅奏推原情實罪將奚歸臣等切詳當復讐雪耻之秋正厲兵講武之日各官平居無事尚爾調度乖方設遇緊關豈不逗遛債事若非痛加懲戒何以克爲大勲所據各官俱合查究拏送法司明正其罪以爲後來之警戒謹奏

景泰二年十一月初九日

題爲申明

祖宗成憲事伏覩

宣宗章皇帝臨御之日欽准兵部議擬軍政條例頒布中外永爲遵守近者

皇上復從兵部申明奏請通行清軍御史等官一依軍政條例行事此誠



聖朝良法美意行之久遠而無弊所謂先聖後聖其揆一也查得條例內開故軍戶下止有人一丁充生員起解兵部奏請翰林院考試如有成效照例開豁軍伍若無成效仍發充軍

聖朝立法制例夫豈無自而然蓋在

太祖高皇帝之時有生員陳質

宣宗章皇帝太上皇帝以來有生員李宗侃沈律張珩等俱蒙

列聖體念賢才考試作養底于有成其後多繇科目布列仕途爲國効用由此觀之

宣宗章皇帝之與

皇上所行皆所以仰法

祖宗成憲甚盛德也頃正統十三年間始有生員翟麟亦援前例蒙發補役不曾考試然亦止是一時一人事例其自

太祖高皇帝以來事例及軍政條例昭然可考至今奉行近該江西吉安府生員郭源奏乞照依

太祖高皇帝旨意并軍政條例考試兵部因查翟麟事例擬奏定奪蒙令補當軍役臣等欲乞

聖明仍照



列聖以來各生考試過已行事例及軍政條例見行事理將本生勘實送考定奪庶使成憲遵行賢材振勵謹題

景泰二年十一月十五日

題爲申明

祖宗成憲事該本科題前事乞仍照

聖朝列聖以來故軍戶下止有一丁克生員考試過已行事例及軍政條例見行事理將生員郭源勘實送考定奪題奉

聖旨已着他補役了罷欽此欽遵

聖斷外臣竊恐所司今後遇有此等生員又以郭源爲例查照擬奏不惟阻賢材感奮之心抑且負朝廷繼述之意合無今後遇有此等生員仍照

欽准見行軍政條例施行庶全事體謹題

景泰二年十一月十七日

題爲固本安人事該南京兵吏戶禮工等部通政司并刑部大理寺都察院并刑科等科山西等道各題奏稱靖遠伯王驥所言將南京先年分調北京官軍存留起發事體不便等因查得先該王驥題要行取勘起留前項官軍兵部議擬



奏 准依擬施行續該太監袁誠等奏稱前項官軍難以起取兵部又經議擬奏

准仍行查照起發去後今該前因臣等切詳前項官軍數萬在南京三十餘年不得實用者蓋因往年  
在彼典兵任事之人因循怠廢以致如斯王  
驥憤其奸頑曠逸乃欲量爲存畱餘送赴京操  
練其意本亦爲國但安土重遷者人之常情而  
固本安人尤國之大計況南京根本重地所當  
益兵練士鎮靜防奸不宜勤衆勞人招怨起釁  
今各官所奏或言悲號滿耳愁歎盈途或言災

異屢形當添守備或言脫有奸細孰與守禦大意皆言南京之兵不應起發事体非便交章僉奏情詞懇切緣今有事之日凡事當合衆情伏望

聖明特 勅兵部行令南京戶兵二部都察院各委堂上官一員躬親督理仍行選委公廉幹濟御史一員郎中二員分投公同着令兵馬司官排門隣佑人等將前項官軍從實勘明的確數目到官除丁少役占及丁多之家量畱供貼其餘悉送南京總督守備官處操練聽調如有仍前



遊手生事及取勘之時作弊隱漏者事發送邊  
衛充軍取勘官員治以重罪實爲允當臣等叨  
忝言責事干大計不敢不言謹題

三奏草卷八終

宋文莊公西垣奏草卷九

吏部左侍郎謚文莊崑山葉盛存藁

孫衡州府同知 夢淇較定

六世孫禮部主事 重華彙梓

題爲壅蔽賊情事照得年來閩浙貴廣等處往往  
賊盜生發荼毒生靈原其所繇其未生發之初  
多因貪官暴吏豪猾吏胥激變而成及旣生發  
或繇州縣官員畏懼上司罪責希望寧息不卽  
申聞漸令滋蔓或繇經該上司畏懼干已罪重  
拊匿不聞或繇領軍官員貪功好勝粉飾欺誑



輒奏捷諱言賊情且如往年福建盜發御史三  
司等官汪澄等推稱先前經該官員失於聞奏  
近者貴州廣西賊情貴州奏而廣西不奏福建  
強賊燒劫陳寺正家六科訪奏而福建不奏難  
以悉舉顯是各官不恤大計推托隱瞞以致賊  
情輕重緩急

朝廷不聞養成禍患日甚日深不得銷弭自非  
皇上中興撫運德威神武所及則殃民害衆將不止  
如今日已也臣等切惟壅蔽爲患自昔皆然况  
在賊情尤當深慮已往者旣無所及方來者不  
可不防臣等欲乞

聖明特 勅兵部通行各處司府州縣及總兵鎮守  
領軍殺賊撫按官處今後一應大小賊情但係  
白晝持仗劫掠結聚爲非及妖書妖言疑人惑  
衆者卽時一面申達合干上司相機督捕不許  
聽從上司沮匿一面隨卽各另具奏以憑酌量  
緩急輕重照詳處置不許似前互相蒙蔽隱匿  
情詞以致醞釀禍患貽患多人如違許諸人奏  
告事發聽各該衙門一體叅奏拿問治以重罪  
臣等職當言路慮患所及不敢不言謹題



景泰二年十二月二十九日

題爲薦舉事伏覩

皇上輔政之初令諭群臣玉音有曰人臣爲國莫先於輸忠薦士大哉言乎臣聞太學者賢士所關教化之本也祭酒司業乃師儒首任必經術德義皆可師法者斯足以當之非如有司百執事可以因偏長而用之也切見南京大理寺卿薛瑄窮性理之學篤踐履之功山東按察司副使彭勛經明行脩卓有模範監察御史致仕孫鼎累典學政不愧師道頃緣微疴卽欲歸養有悖行孝悌之實有難進易退之風今兩京國子監堂上官並係缺員而瑄等皆允稱厥職臣又聞朝廷官人之法貴乎用當其材惟用當其材斯動有成效臣愚欲乞

聖明特 勅吏部看詳臣言如果不妄則乞於內推選二員或仍原職或量改陞管理監事必能陶成士類振作士風上副

宸衷下愜輿論臣猥以庸愚職在獻納知賢不舉是謂不忠謹題

景泰二年十二月三十日



題爲軍務事該右都督張軌等題稱欽命指揮王琦管領寶纛龍旗什物并取吹手官軍楊澤等一處差操緣各營官軍永樂年間以來俱係各司把總官員照舊分管其楊澤等原係三千下人數今王琦奏要一概掌管乞查例定奪等因奉

聖旨王琦二次着他管寶纛龍旗張軌累奏不與他管似此抗拒君命六科看了來說欽此欽遵臣等叅照張軌等俱係管軍頭目官非御史職非諫諍其所管營分官軍節次

聖旨着令王琦管領自合遵依

聖斷乃抗拒君命引例執奏不與管領原其情犯罪實難容臣等另行具題糾奏外再照寶纛龍旗哮囉喇叭冲金香爐等項并傳令吹手等項官軍俱係

皇上乘輿出入隨護禁兵

祖宗以來至爲重事必係腹心勲戚重臣方行委托今寶纛龍旗官軍除已遵依

聖斷聽令王琦提督外合無仍聽三千營管事頭目重臣照舊總轄調度操練聽用務須協力同心



肅清禁衛不許彼此矛盾爭張事體臣等職居  
言路事于禁兵不敢緘默謹題

景泰三年正月十二日

題爲糾劾事嘗謂 朝廷以

命令爲重而拒

命者律有常條臣子以

君父爲尊而慢

君者國無輕典情詞旣具糾正宜加切照右都督張  
軌孫鏗楊俊本非統馭之才俱受兵戎之寄

國恩未報曾少致夫纖毫

上命旣行乃故違而至再過犯雷霆之怒敢干斧鉞  
之誅寶燾龍旗等營 欽命指揮王琦管理張  
軌等因而抗奏致瀆

宸嚴臣等切詳張軌等鹵莽蠢愚驕矜蹇傲但知禁  
衛之爲尊而不知

君命之尤尊但知舊例之爲重而不知

君命之當重雖曰所典者軍務然於委曲將順之道  
有乖雖曰所言者職守然於從容陳說之義未  
盡官非御史敢持執而不移職非諫臣乃論列  
而不已似此冥頑之輩當行顯暴之刑所據張



軌孫鏜楊俊俱合拏送法司明正其罪緣係應  
議軍職未敢擅便臣等於景泰三年正月十三  
日大班劾奏謹題

景泰三年正月十二日

題爲查理復職事該直隸天津左衛爲事指揮使  
袁英奏先於正統四年襲父袁真職事今被本  
衛方原等奏稱朦朧承襲爲事刑部行移兵部  
查理承襲奏詞本部回稱比年被水般私文  
失落無憑回報乞

勅兵科查理前項奏詞等因該通政司官奏

聖旨該衙門知道欽此欽遵到科查得正統四年  
月二十六日行在兵部題一本襲職事看係  
官襲職緣繇旣已兵部被水般移文卷失落無  
憑查理定奪今前本見在合發該部照例抄出  
徑自查照施行謹題

景泰三年二月二十八日

題爲陳言災異事

陛下卽位以來累頒

聖諭有云垂降災異乃

上天愛人之心今後遇有此等許諸人直言極諫又



有云災異皆君失其德臣失其職之故又有云  
今後

君臣宜正心以修德以回天意臣叨居侍近躬奉  
德音有以知

陛下克謹天戒至公無我惓惓求言望治之盛心矣  
尚不足以回天意而致災異之重至者其故何  
歟爲臣者負

陛下也

陛下何負於人哉近日以來災異洊至若大水若河  
竭若赤青若霾霧若立春日雪自後雨雪繼作

連綿不已今暮春已及而積陰不解蒙晦更甚  
加之淒風嚴霜水復凍結夫雪者衆陰之極日  
者衆陽之宗春又陽德亨泰萬物發生之時而  
寒雪非時太陽少見凡在有識莫不凜凜臣愚  
不識占驗但以爲

陛下以聖德居天位動法堯舜之治以理揆之萬萬  
不宜有此蓋嘗稽諸載籍而知其說矣書曰急  
恒寒又曰極備極無凶詩曰高岸爲谷深谷爲  
陵地道亂也又曰雨雪瀼瀼見晁日消止讒佞  
也禮曰仲春行秋令則其國大水寒氣總至寇



戎來征行冬令則陽氣不勝麥乃不熟民多相  
掠季春行冬令則寒氣時發草木皆肅國有大  
恐行秋令則天多沉陰淫雨蚤降兵革竝起傳  
曰皇之不極厥咎常陰必有下人竊議上者又  
曰聽之不聰是謂不謀厥咎急厥罰常寒又曰  
視之不明是謂不哲時則有赤青赤祥又曰不  
明善惡親昵近習無功者受賞有罪者不殺時  
則有赤祥又曰三公非人則三光不明又曰  
朝廷不和災異竝起又曰邪氣積於下怨惡蓄於  
上上下下不和則陰陽繆盪而妖孽生焉此災異

所緣而起也雖各爲說不同大率不過陰盛陽  
微所致以象類求之如臣子欺君父妾婦乘其  
夫小人害君子夷狄謀中國異端勝天道讒邪  
間中正凡此皆陽不足以制陰陰勝陽下于上  
之證有一于此皆不足以言治也自昔天道之  
應皆繇人事動於下則天變形於上其來有自  
其應不虛非一人一事所能召致非一言可以  
推測非一時可以徵驗也臣竊論之

陛下

天之子也文武羣臣又



陛下之子也

天愛人君有所譴告於

陛下

陛下推

天之愛又從而告之羣臣正猶父之愛子不欲過其過而欲其無過爲子者可不思其過而求所以改其過乎方今百官之衆未可謂皆賢脩輔之職未可謂皆舉外虜兇強而吾之邊防未盡飭內盜竊發而吾之生齒未盡安卽如昨者聖諭所謂天下大小事務豈無差訛大哉

陛下之言日月之明見藥石之至論也爲今日之計若非博采羣言急加脩省臣恐

天意未必能回災異未必能弭而意外之虞或近在目前或遠隔年歲豈無難言難必者乎臣觀邇者侍臣有以災異爲刑法暴濫所致者

陛下卽從其請令法司疏決重囚於是乎素有善譽之劉璉得離刑書附勢作奸之沈誠卽編戎籍人心翕然咸服

聖斷臣以爲一人以刑法爲言

陛下從而聽之其效若此使文武羣臣人人有言



陛下從而聽之則其效又將何如也况且災異求言  
聖訓在歷代有故事在

祖宗有已行之詔令有已行之明效臣愚以爲今日  
弭災之急務應

天之要道莫先於此欲乞

陛下以臣章疏畱中詳覽不必降外特出

聖意手勅文武羣臣各加飭勵仍如先次

聖諭所謂許諸人直言極諫令其各以致災之本弭  
災之術凡有益於 國家有利於軍民者爲言

陛下許其擇而行之將見忠臣義士愛君憂國之人

感

陛下之仁誠樂

陛下之聽納莫不披瀝肝膽以圖報稱

天意不難回災異不難弭羣臣不敢有負於

陛下真不負於

天矣臣雖無狀亦當別有所陳臣不勝竭忠款迫切

之至謹題

景泰三年三月初一日

題爲陳言防患事我

朝自與瓦剌通好以來書辭行遣惟脫脫不花王



以君長之禮待之蓋以其原係可汗子姓故也  
是則脫脫雖弱君也也先雖強臣也也先之事  
脫脫當如臣之事君豈可倖亂而無禮哉今者  
賊會也先遣使來朝乃以逐去脫脫報知  
朝廷爲名雖虜情狡詐未易識知而大義炳然有  
可言者向也或言兩家讎殺或云彼勝此負  
朝廷以不知自處彼尚未可以窺測我也今則賊  
會公然發書遣使夸辭詭說明言報知則是  
朝廷既知之矣安知不以此窺  
朝廷之處置如何志滿氣驕理所必有臣竊以爲

夷夏之分雖有不同而名義同人心同也先以  
殺君逆賊罪惡盈貫况加以舊讎未復乎今日  
之事論者孰不曰不可以起釁不可以輕動惟  
是養威蓄銳以待他日臣竊以爲事機之會間  
不容髮今日之事縱未可興師問罪亦豈可略  
無一言臣恐大義不復昭明大惡復何忌憚其  
爲禍患難保必無且向來災異迭見春令秋冬  
多兵革之應天時人事可爲寒心

陛下不可不與老臣謀士熟思而預防也至如軍馬  
之操練將士之簡擇糧草之蓄積邊  
之守禦



陛下不可不與老臣謀士責實而早圖也 職有言  
責義在當言故爲披瀝於各該衙門無所施行  
伏乞

陛下畱中詳覽特與廟堂左右密議而審處之幸甚  
謹題

景泰三月初三日

題爲勦賊爲害事該鎮守浙江都督僉事張真奏  
該浙江道問出犯人都指揮張勇王鉞等招稱  
真喚頭目說你每捕盜有好小的擄掠幾箇送  
我令巡哨軍旗將處州府避賊平民潘琳妻男

潘葉興等擄帶回還送真棟收爲奴及王鉞擄  
得良民男子阿保等在家於內又將阿保送真  
致被巡按御史奏真故縱擄掠等情真實不合  
受畱潘葉興阿保在家除將阿保送浙江布政  
司轉發給親完聚及潘葉興先蒙巡按御史給  
與伊父收領外具本回話該通政司官奏奉

聖旨兵部知道欽此欽遵臣等叅照張真職重都垣  
任專守鎮不能爲國保民以稱任使乃敢作奸  
逞勢以肆貪饕當盜賊縱橫人心危急之際分  
付領軍頭目索要良家子女以此 其培克



征求何止人口何有紀極及至幸

歸

朝廷未忍加誅令其回話却又自己輒將阿保送  
布政司令其轉發給親完聚擄掠之實既明專  
擅之罪愈重再照近年以來領軍殺賊官員辱  
命負國此弊最多如往年福建等處征進官員殘寇  
全不剪除疲民愈加搔擾子女玉帛滿載而歸  
臣等劾奏各官所謂本以禦盜而同於爲盜名  
爲救民而反以殃民正張真張勇王鉞之謂  
也今張勇王鉞已發充軍實愜公論而張真既  
蒙

聖恩寬貸尚爾專擅支吾况真在浙江素有巨奸宿  
猾之名專爲附勢諂上之計虧公害法不止於  
斯若不明正典刑此輩終無警戒伏乞

聖斷令法司將張真拿問如律以公憲典以示將來  
仍令該衙門通行各處領軍殺賊官及所在有  
司軍民人等如有擄掠子女玉帛者許諸人奏  
告擄掠等項一體追給貪官官員

朝廷

祖宗之法具在必不輕貸庶使爲惡者知所悔懼而  
民免受無涯之毒謹題



景泰三年三月初五日

宋文莊公西垣奏草卷九

題跋

先文莊公備三不朽誠

本朝第一人物所著奏疏日記及涇東水東稿諸  
集

高祖衡州公

大父孝廉公先後鉉行歲久漫漶近世卒莫覩  
是書國華與弟重華聯床竝硯之時撫卷增  
愴期於更新茲者仲弟于役武林臣心如水  
庶幾無媿我



祖公餘之暇手較奏疏日記二書先付梨棗余  
深幸茲集一新雅酬厥志而

先文莊公未竟之緒藉仲弟以丕振者又可券  
諸異日也遂題數語以誌歲月時壬申孟春  
上浣六世孫國華謹跋



